



ADRODDIAD I'R CYD-BWYLLGOR

14 GORFFENNAF 2021

Adroddiad gan: Alwyn Jones, Cyfarwyddwr Cynorthwyol GwE

Testun: Strategaeth cymorth i rhieni/gofalwyr

1.0 Pwrpas yr adroddiad

1.1 Diweddarau aelodau'r Cyd-bwyllgor am ein strategaeth a'r gefnogaeth sydd ar gael i helpu rhieni a gofalwyr ar sut orau i gefnogi eu plant i ddysgu.

2.0 Cefndir

2.1 Mae llawer o ysgolion yn cydnabod bod ymgysylltiad rhieni/gofalwyr wedi bod yn allweddol wrth sicrhau dysgu o bell/dysgu cyfunol effeithiol, ac mae'r Cyfarwyddwyr Addysg a'r Cydbwyllgor wedi'i adnabod fel blaenoriaeth ranbarthol.

2.2 Mewn ymateb, mae GwE a'r Awdurdodau Lleol wedi darparu ystod o ganllawiau i gefnogi ysgolion i wella ymgysylltiad rhieni/gofalwyr, gan gynnwys datblygu adnoddau a rhannu arferion da.

2.3 Yn ogystal, mae grŵp rhanbarthol wedi'i sefydlu gyda chynrychiolaeth o bob awdurdod i edrych yn benodol ar strategaeth i helpu rhieni/gofalwyr i gefnogi eu plant i ddysgu. Bydd y grŵp hwn yn goruchwyllo'r strategaeth ranbarthol sydd angen ei ddatblygu i wella ymgysylltiad rhieni/gofalwyr fel y gallant gefnogi eu plant i ddysgu yn effeithiol drwy gydol cyfnod COVID, ac wedi hynny.

3.0 Ystyriaethau

3.1 Bydd y grŵp rhanbarthol yn gosod cyfeiriad strategol i'r gwaith o gefnogi rhieni/gofalwyr gyda dysgu eu plant yn rhanbarth GwE, gan oruchwyllo'r agweddau a ganlyn:

- Datblygu pecyn cyfansawdd sydd yn cefnogi ac yn helpu rhieni a gofalwyr i drawsffurfio eu dealltwriaeth o'r dysgu, a'r hyn allant ei wneud i helpu eu plentyn.
-

- Datblygu cwrs cynhwysfawr i rieni a gofalwyr, sydd yn rhoi'r adnoddau, yr wybodaeth a'r hyder angenrheidiol iddynt allu helpu eu plant i ddysgu gartref.
- Darparu canllawiau ysgrifenedig sydd yn cynnwys strategaethau a thechnegau y gall rhieni/gofalwyr eu defnyddio i gefnogi eu plant i ddysgu.
- Darparu strategaethau, gweithgareddau a thechnegau ymarferol y gall rhieni a gofalwyr eu defnyddio i helpu eu plant i ddysgu.
- Datblygu ac addasu adnoddau yn briodol i fodloni anghenion grwpiau penodol o rieni a gofalwyr.
- Adolygu'r ddarpariaeth a gynigir ar draws y rhanbarth er mwyn sicrhau bod yr adnoddau presennol yn llwyr gefnogi a bodloni anghenion lleol a rhanbarthol.
- Sicrhau bod cydlynedd a chynhwysedd priodol i ddarparu adnoddau rhanbarthol o safon uchel yn y maes hwn.
- Gofalu bod arbenigedd ac arferion da yn cael eu rhannu ar draws y rhanbarth.

3.2 Mae'r rhanbarth wedi bod yn gweithio'n agos gyda Mike Gershon, sy'n awdur mwy na 40 o lyfrau ar dysgu ac addysgu, gan gynnwys nifer o werthwyr gorau, ar brosiect o'r enw 'Helpu eich Plentyn i Ddysgu', sef cyfres o adnoddau addysgu ar-lein dwyieithog i gefnogi rôl rhieni/gofalwyr wrth helpu eu plant i ddysgu.

3.3 Mae'r adnoddau a'r [wefan](#) a ddatblygwyd gan Mike Gershon yn fan cychwyn cadarn er mwyn cefnogi rhieni, ac rydym wedi bod yn gweithio efo Mike i sicrhau bod y wefan yn ddwyieithog, ac ar gael yn rhad ac am ddim i bob rhiant yng nogledd Cymru.

3.4 Mae Mike Gershon wedi mynychu cyfarfodydd fforymau'r penaethiaid cynradd, ac mae Tîm YCG GwE yn y broses o rannu'r wybodaeth gyda'r clystyrau. Isod, ceir ddolen ar gyfer cyflwyniad dwyieithog fydd yn cael eu rhannu yn y cyfarfodydd clwstwr - [Cyflwyniad Mike Gershon](#).

3.5 Fel y cam datblygol nesaf, bydd Mike Gershon yn mynychu cyfarfodydd o'r fforymau strategol penaethiaid uwchradd er mwyn trafod eu hanghenion cyn cyflwyno cynnig pellach i'r grŵp rhanbarthol.

4.0 Argymhellion

4.1 Gofynnir i'r Cyd-Bwyllgor dderbyn a chymeradwyo cynnwys yr adroddiad ac i gefnogi ein strategaeth a'r gefnogaeth sydd ar gael i ysgolion mewn perthynas ag ymgysylltiad rhieni/gofalwyr yng nogledd Cymru.

5.0 Gblygiadau Ariannol

5.1 Nid oes unrhyw oblygiadau ariannol yn codi o'r adroddiad hwn. Bydd GwE yn gweithredu oddi fewn yr adnoddau ariannol cyfredol.

6.0 Effaith ar Gydraddoldeb

6.1 Nid oes unrhyw oblygiadau cydraddoldeb newydd yn codi o'r adroddiad hwn.

7.0 Goblygiadau Personél

7.1 Nid oes unrhyw oblygiadau personél newydd yn codi o'r adroddiad hwn.

8.0 Ymgynghori sydd wedi digwydd

8.1 Ymgynghorwyd â Fforymau Strategol Penaethiaid y rhanbarth, cynrychiolwyr o'r Awdurdodau Lleol, Tîm Llawn, Bwrdd Rheoli a'r Cydbwyllgor.

BARN Y SWYDDOGION STATUDOL

Swyddog Monitro:

Dim i'w ychwanegu o safbwynt priodoldeb.

Swyddog Cyllid Statudol:

Mae rhan 5 o'r adroddiad yn egluro "nad oes unrhyw oblygiadau ariannol yn codi o'r adroddiad hwn" gan fydd "GwE yn gweithredu o fewn ei adnoddau ariannol cyfredol". O ganlyniad, nid oes gennyf sylwadau i'w ychwanegu o safbwynt priodoldeb ariannol.